



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-3-40-518-4/25**

Datum: **20.02.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica «HIFA» d.o.o. Tešanj – Podružnica Karuše, za donošenje rješenja o vodnoj dozvoli za ispuštanje oborinskih onečišćenih i tehnoloških otpadnih voda u prirodni recipijent sa lokacije kompleksa benzinskih pumpi sa pratećim sadržajima i samouslužnom autopraonicom izgrađenog na lokalitetu Karuše, općina Doboj Jug, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **R J E Š E N J E** **o vodnoj dozvoli**

1. Pravnom licu «HIFA» d.o.o. Tešanj – Podružnica Karuše, daje se vodna dozvola za ispuštanje oborinskih onečišćenih i tehnoloških otpadnih voda u prirodni recipijent sa lokacije kompleksa benzinskih pumpi sa pratećim sadržajima i samouslužnom autopraonicom, izgrađenog na lokalitetu Karuše, na zemljištu označenom kao k.č. broj 1524/1, 1521/1, 442/1 i dio 442/2 K.O. Matuzići, općina Doboj Jug.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz slijedeće uslove:
  - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
  - 2.2. Skladištenje nafte i naftnih derivata vršiti u podzemnim čeličnim dvoplašnim rezervoarima zapremine 400 m<sup>3</sup> (4x100 m<sup>3</sup>).
  - 2.3. Da korisnik predmetnog objekta, za vrijeme trajanja ove dozvole, obezbjeđuje da se oborinske onečišćene vode sa saobraćajnih, radnih i manipulativnih površina, zajedno sa tehnološkim otpadnim vodama iz samouslužne autopraonice, nesmetano sakupljaju i odvođe do objekta predviđenog za tretman onečišćenih voda (separator ulja i masti), a zatim ovako tretirane vode ispuštaju u gradsku kanalizaciju kojom upravlja JKP «VIS» d.o.o. Doboj Jug.
  - 2.4. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
  - 2.5. Prečišćene oborinske onečišćene i tehnološke vode moraju ostati u maksimalno dopuštenim granicama definiranim članom 14. i članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
  - 2.6. Objekte čija je svrha odvođenje i prečišćavanje oborinskih onečišćenih i tehnoloških otpadnih voda (separatori ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
  - 2.7. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 2.8. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
  - 2.9. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačke 22. i 13. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
  4. U periodu važenja ove dozvole, Korisnik je dužan provoditi sve mjere i aktivnosti propisane istom.
  5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
  6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
  7. Ukoliko radom predmetnog objekta dođe do šteta bilo kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
  8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
  9. U ovoj upravnoj stvari plaćene su sve upravne pristojbe.
  10. Ova vodna dozvola, shodno članu 117. stav (1) i članom 129. Zakona o vodama daje se sa rokom važenja od 5 (pet) godina od dana pravosnažnosti ovog rješenja.
  11. Prije isteka važenja ove dozvole Korisnik je dužan da podnese zahtjev za izdavanje nove vodne dozvole.
  12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **O b r a z l o ž e n j e**

Pravno lice «HIFA» d.o.o. Tešanj – Podružnica Karuše, dana 08.12.2025. godine, podnijelo je zahtjev za izdavanje vodne dozvole za ispuštanje oborinskih onečišćenih voda i tehnoloških otpadnih voda u prirodni recipijent sa lokacije kompleksa benzinskih pumpi sa pratećim sadržajima i samouslužnom autopraonicom, izgrađenog na lokalitetu Karuše, na zemljištu označenom kao k.č. broj 1524/1, 1521/1, 442/1 i dio 442/2 K.O. Matuzići, općina Doboju Jug.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-25-003603 od 18.11.2025. godine izdatog od Općinskog suda u Zenici,
- Ovjerena kopija Uvjerenja o poreznoj registraciji izdatog od Porezne uprave FBiH-Kantonalni porezni ured Zenica od 27.01.2017. godine,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-532-2/17 od 01.02.2017. godine izdatog od Uprave za indirektno-neizravno oporezivanje Banja Luka,

- Dokaz o uplaćenju upravnoj taksi,
- Ovjerena kopija Rješenja o odobrenju za upotrebu kompleksa benzinskih pumpi broj: 06-365-02/98 od 04.11.1998. godine izdatog od Službe za urbanizam, stambeno komunalne poslove, obnovu i razvoj, geodetske poslove i katastar nekretnina Općine Doboj-Jug,
- Ovjerena kopija Rješenja o odobrenju za izgradnju kompleksa benzinskih pumpi broj: 06-361-003/98 od 21.04.1998. godine izdatog od Sekretarijata za urbanizam, stambeno komunalne poslove i poslove katastra Općine Doboj-Jug,
- Ovjerena kopija Rješenja o urbanističkoj saglasnosti na lokaciju i izgradnju kompleksa benzinskih pumpi broj: 06-364-18/97 od 09.07.1997. godine izdatog od Sekretarijata za urbanizam, stambeno komunalne poslove i poslove katastra Općine Doboj-Jug,
- Kopija Rješenja o upotrebi građevine (samouslužna autopraonica) broj: 12-23-09392/16 od 28.12.2016. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Ovjerena kopija Rješenja o odobrenju za građenje (samouslužna autopraonica) broj: 12-23-04966/16 od 27.09.2016. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Ovjerena kopija Rješenja o urbanističkoj saglasnosti (samouslužna autopraonica) broj: 12-23-02366/15 od 21.04.2015. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Ovjerena kopija Zaključka o odbacivanju zahtjeva za obnovu okolinske dozvole zbog nepostojanja uslova za pokretanje postupka broj: UP1-12-19-6470/25 od 08.08.2025. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Zaključka o odbacivanju zahtjeva zbog nepostojanja uslova za pokretanje postupka broj: 05-25-04279-1/16 od 03.06.2016. godine izdatog od Ministarstva za poljoprivredu, šumarstvo i vodoprivredu Zeničko-dobojskog kantona,
- Ovjerena kopija Rješenja o vodnoj dozvoli broj: UP-I/25-3-40-462-4/20 od 23.12.2020. godine izdatog od «Agencije za vodno područje rijeke Save» Sarajevo,
- Ovjerena kopija Ugovora o pružanju usluga zaključenog dana 10.02.2020. godine sa «AIDA-COMMERCE» d.o.o. Sarajevo,
- Ovjerena kopija Transportne dokumentacije za otpad od 21.02.2025. izdate od «AIDA-COMMERCE» d.o.o. Sarajevo,
- Kopije Računa usluge za avgust, septembar i oktobar 2025. godine izdatih od JKP «VIS» d.o.o. Doboj Jug,
- Ovjerena Kopija Izvještaja o monitoringu kvaliteta i kvantiteta otpadnih voda benzinske pumpe i autopraonice «HIFA» Karuše, Doboj Jug, broj: 2117/25, oktobar 2025. godine, urađen od «Inspekt-RGH» d.o.o. Sarajevo,
- Glavni građevinski projekat partera zajedničkih objekata – knjiga 3C, šifra: 97-003, septembar 1997., urađen od «ALDEN-INVEST» d.o.o. Sarajevo (na uvid),
- Glavni projekat – Ugradnja podzemnog spremnika V=29 m<sup>3</sup> za skladištenje UNP-a, pretakalište UNP-a, nadstrešnice za usisivač i izgradnja dva boksa samouslužne autopraonice broj: A-47/16, juni 2016, urađen od «ARHITEKT» d.o.o. Zenica (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-518-3/25 od 10.02.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Kompleks benzinskih pumpi sa pratećim sadržajima i samouslužnom autopraonicom je izgrađen na lokalitetu Karuše, na raskrsnici magistralnih puteva M4 (Doboj-Teslić) i M17 (Sarajevo-Doboj). Kompleks benzinskih pumpi se sastoji od 4 prodajno-uslužna objekta, 4 nadstrešnice sa automatima za istakanje goriva, 4 rezervoara za skladištenje goriva, samouslužne autopraonice sa dva boksa za pranje vozila, podzemnog rezervoara za UNP kapaciteta 29 m<sup>3</sup> sa automatom za istakanje, tipskog separatora masti i ulja, uređenih saobraćajnih, parking i manipulativnih površina. Objekti su međusobno povezani tehnološko-mašinskim instalacijama i mjerno-regulacionom opremom.

- Za predmetni objekat je ranije od ove Agencije ishodovano Rješenje o vodnoj dozvoli broj: UP-I/25-3-40-462-4/20 od 23.12.2020. godine. U toku uviđaja utvrđeno je da nije bilo izmjena u odnosu na naprijed navedenu vodnu dozvolu.
- Zauljene oborinske vode sa radnih, saobraćajnih i manipulativnih površina se prikupljaju sistemom uličnih slivnika i kanalizacione mreže te, zajedno sa tehnološkim otpadnim vodama iz samouslužne autopraonice, odvođe na tretman u tipski separator masti i ulja. Preliv iz separatora je, preko okna za monitoring, u gradsku kanalizaciju kojom upravlja JKP «VIS» d.o.o. Doboj Jug. Radne, saobraćajne i manipulativne površine su završno obrađene asfaltom odnosno betonom, sa padovima prema slivnicima.
- Smještaj goriva se vrši u ukopanim čeličnim dvoplašnim rezervoarima ukupnog kapaciteta 400 m<sup>3</sup> (4x100 m<sup>3</sup>).
- Čišćenje separatora se radi redovno.
- Snabdijevanje vodom za sanitarne i tehnološke potrebe je obezbijeđeno sa gradske vodovodne mreže.
- Monitoring otpadnih voda se vrši redovno. Na uvid je dostavljen Izvještaj o monitoringu kvaliteta i kvantiteta otpadnih voda benzinske pumpe urađen od «Inspekt-RGH» d.o.o. Sarajevo, oktobar 2025. godine. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Tačka 3. dispozitiva Rješenja propisana je u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i cc) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva «HIFA» d.o.o. Tešanj – Podružnica Karuše, ispunio minimum uslova za izdavanje vodne dozvole za ispuštanje oborinskih onečišćenih i tehnoloških otpadnih voda u prirodni recipijent te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-518-2/25 od 30.01.2026. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

### Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.

Po ovlaštenju  
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- «HIFA» d.o.o.  
Bukva 9, 74260 Tešanj
- ⊖ AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava